


Naupangte' Laisiangtho Pulakna

Jesu Hong Suahna



A Gelh: Edward Hughes

A Lim lak: M. Maillot

A Let: S. Thangboi Hatlangh

A Kaikhawm: E. Frischbutter; Sarah S.

Tangthu 36 pan 60

www.M1914.org

Bible for Children, PO Box 3, Winnipeg, MB R3C 2G1 Canada

Phalna: Hih tangthubu zuaksawn ding ahiih kei buang leh teisawn leh khetkhiat kiphal hi.

Tedim Chin


Hun khat lai in, Pasion in
a vantungmi - Gabriel,
Jew nungak melhoih
mahmah Mary a kici
nu kiangah a sawl hi.



Vantungmi in tua nungaknu
kiangah, "Nangmah in tapa
khat na nei dinga, a min dingin
Jesu na phuak ding hi. Amah
pen Sangpenpa tapa kici ding
a, amah in a tawntungin uk
ding hi," a
ci hi.



Nungaknu in lamdang sa-in, "Kei, pasal tawh a lumkhawm ngei nailo pi, hih thu bangci pian theih ding ahi hiam?" a ci hi. Ahizongin Vantungmi in Mary kiangah, "hih nau pen Pasion' kiang panin hong pai ding a, amah in leitung pa a nei kei ding hi," a ci hi.



3

Vantungmi in Mary kiangah, "na behnu Elizabeth in zong ateeek-avuai nungin ta a nei hi," a ci hi. Tua khit a sawt loin Mary zong Elizabeth kiangah va hawhin, a nih un Pasion a phatkhawm uh hi.




4

Mary pen Joseph tawh a kiteng dingin zuthawl a kipiasa a hihi. Mary' nau neih ding vai Joseph in a zak ciangin, naungeek' pa kua hi peuhmah ding hiam, ci-in a dah mahmah hi.




5

Joseph' mang sungah Pasion' vantungmi in tua naungeek pen Pasion' tapa ahih lam leh naungek Jesu khankhiatna dingin amah in Mary a huh ding, ahih na a hilh hi.




6

Joseph in Pasion muang ahih manin Pasion' thu a mang hi. Tham lo in a teena gam thukhamte zong a zui hi.



7

Thukham thak khat hong om ahih manin a khua uh nusia in Mary tawh Bethlehem ah siah pia dingin a pai uh hi.



8



Mary a nau suah
hun hong cingta hi.
Ahizongin zintunna
inn khempeuh na dim
khin ahih manin
Joseph in tunna
ding inndei khat
zong


a muzo
kei hi.

9



A tawpna ah Joseph in kingakna
dingin ganbuk khat
hong mu hi. Tua ganbuk sungah
naungek Jesu hong suak a, a
nu in gan anpiakna
gankuang
sungah a
sial hi.

10



Mun gamla lua lo khat ah tuucingte in a tuute a
cing uh hi. Pasion' vantungmi amaute'
kiangah hong kilangin, hih thu
lamdang amaute
a hilh hi.

11




"Tuni in David khuapi sungah note' a hong
honkhia ding Khri Topa a suak hi.
Gan anpiakna kuang
sungah
a kisial
na mu
ding uh hi."

12



Tua khith cianginn tua vantung mi tawh
vantung mihonpite thakhatin hong
omin Pasion phatna la sa uh a, ...

13



... "Van a sang belna-ah a om Pasion'
min thang hen la, leitung mite'
tungah nopna om ta hen," a ci
uh hi.


14

Manlangtakin tuucingte ganbuk lam zuanin a pai pah uh hi. Naungek amuh khit uh ciangin vantungmi gen bang lianin Jesu' tangthu mite kiangah a gen kawikawi uh hi.




15

Ni sawmli a cin khit ciangin Joseph leh Mary in Jersalem biakinpi ah Jesu a hong paipih uh hi.




16

Hua lai ah Simeon a kici mi khat in naungek Jesu hangin Pasion phat a, a khangham mahmah Topa' nasem dang khat mah a hi, Anna kici nu in zong Topa a phat hi. Jesu pen honkhiapa dinga a kiciam Pasion' tapa ahih lamtak a tel uh hi.



17

Joseph in vasa nih meihal biakna-in a pia hi. Hih pen Pasion' thukham sunga mizawngte in nausuah cianga Topa tunga lungdam-biakpiakna a bawl dan ding uh a gen pen a hihi.



18


Tua khit a sawt loin, nisuahna lam gam panin mipilte in aksi lamdang hong zui uh hi.



19

Amaute in, "Jew mite' kumpi ding hong suak pen koi lai-ah om ahi hiam? Amah ka bia nuam uh hi," a ci uh hi.

Kumpipa Herod in hih mipilte' hong paina thu ana za hi. Cimawh manin mipilte kiangah, "na va muh uh ciangin hong theisak un, ken zong ka bia nuam hi," a ci hi. Herod in a zuapi gen hi. A taktakin Jesu that nuam hi.




20



Tua aksi lamdang in mipilte Mary, Joseph leh naungek omna inn mun santak ah hong tunpih hi. Amaute khukdin' in tua naungek a biak khit uh ciangin kham leh paknamtuite letsongin a pia uh hi.


21



Pasian in mipilte a inn ciat uh ah a simthamin ciahkik dingin thu a pia hi. Herod a hehsuaklua mahmah hi. Jesu a kithah theih khak leh ci-in Bethlehem khua sunga pasal naupang

khempeuh a that hi.

22



Ahizongin Herod in Pasian' tapa sukha theilo hi. A mang sungah hih thu kihilhkhoh ahih manin Joseph in Mary leh Jesu Egypt gam ah a taipih hi.

23



Herod a sih khit ciangin Joseph in Mary leh Jesu Egypt panin a ciahiphikik hi.

Galilee tuipi gei, Nazareth a kici khuanu khat ah a teng uh hi.

24

Jesu Hong Suahna

Pasian kammal pana a hong suak hih tangthute a nuai a Laisiangtho

munte ah kimu thei hi

Mathai A Lian 1-2, Luka A Lian 1-2

"Na thu gentelna in Khuavaksak hi."
Late Nambat 119:130

Pasian in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna a hihi.

Pasian in eite hong it mahmah ahih manin, eite' mawhna hanga singlamteh tunga sihna a thuak dingin a tapa Jesu a hong sawl hi. Tu-in Jesu thokikin, vantungah om hi.

Tua ahih manin Pasian in i mawhnate tu-in hong maisak theita hi.

Na mawhna pan a na suahtak nop leh Pasian kiangah hih bangin thungen in: Topa Pasian aw, ka Topa Jesu kei a dingin si-in, tu in thokik zo hi, cih ka um hi. Nuntaknathak ka neihna ding leh a tawntung in na kiangah ka hong om theihna dingin, hehpihin ka sungah hong teng in la, ka mawhnate hong maisak in. Amen. Johan 3:16

Laisiangtho sim in la, Pasian a nisimin hopih in!